

Risposta de Luisella


Allegretto

Mi-ne-co mio schiat-tu - so, è be-ro è cchiù ca be-ro

ca sì nu pal-lu-nie - ro e nce pu-tria giu-rà: tu fai ca-stiel-le

n'a - ria? Tu duor-me o stai sce-ta-to? Chi can-che-ro ha pen-za - to 'e

1. te ve-nì ap-pret-tà? Tu -tà?
2. te ve-nì ap-pret-tà? Tu -tà?



2.

Pe tutto lu Scurillo
 Pe tutta l'Arenella
 De me che so' zetella
 Pe te s'have 'a parlà.
 Sta a ffà fruoffece fruoffece
 Tutto lu vecinato.
 Chi canchero ha penzato
 'E te venì apprettà?

4.

Tu dice ca so' bella
 E io risponno: «Amico,
 «Vide de vutà vico:
 «Cu mme nun t'affruntà!»
 Si no cu chisti zuoccole
 Io te n'abbio ciaccato.
 Chi canchero ha penzato
 'E te venì apprettà?

6.

Cu mme te vuò spusare?
 Stai frisco comm'a rosa:
 Amico, nun è cosa
 Nn'è latte da quaglià.
 Pe mme tu restarraje
 Pe ssempe scujetato.
 Chi canchero ha penzato
 'E te venì apprettà?

3.

Pe corpa toja, birbante,
 Pe corpa toja m'attocca
 D'esse purtata mmocca
 Pe tutta la città.
 Respunneme, buciardo,
 Proprio matricolato:
 Chi canchero ha penzato
 'E te venì apprettà?

5.

Io dinto a nu ciardino
 All'acqua, ô sole e ô viento
 Tiro la vita a stiento
 Sempe cu fatecà.
 E tu cu sta papocchia
 L'ammore m'hê 'ntaccato.
 Chi canchero ha penzato
 'E te venì apprettà?

7.

Io tengo ncaparrato
 Francisco l'ortolano,
 E ad isso chesta mano
 Spetta de nguadià.
 Nè premme a me na cufece
 Si rieste disperato.
 Chi canchero ha penzato
 'E te venì apprettà?